

HISTOIRE DES NOE EN CH'TI

Ech païzan ed' Saint Po

J'enn su qu'in viu païzan sans instrucion, car d'in m'in jonn' temps, i gnavoé pon d'écolès comme asteure ; mais, si o zavez l'temps ed' m'acouter, j'va vous raconter quecqu' zeine d'mé avintures :

A dich'juit' ans, min père é m'mère', i yavoient enn tel confianss' in mi, qu'i m'ayoient invoyer à St pol, tout seu, pour akater enn' casquette. M'vla donc parti sur enn' vielle jumin « Rozette » qui, inter nous zoé dit, ann' n'étoé point trop grasse ; car ach' momint lo, ech' avonne, all étou kère, e ch' fenÿ, i awé pouri d'un chés camp.

Pour intrer din chell' grand' ville, il fai'loé passer ed'vant l'boutique d'in tapp' otour (o savez : cho qu'ol appell' ast' heur' « un tonnelier ») : i in awoé un homm' ed' su l'pas d'echl' porte, é du pu long qu'in' voé arriver, i crit comm' cho « eh ! païzan, à combi' in eq' t'é vin tes cherques ? (i vouloué parler des cottes ed' min qu'vo qui dépass' soétte ed' 'zou' z'piau) j'é n'fé ni eunn' ni deu : ech' m'artourne ad'au min qu'vo, j'ellieff' ess' queue, é j'dis à m'homm' : « rintrez d'in l'boutiqu', en vou l'dira ! »

Quand j'é u fait l'acquisition d'inn' bell' casquette ed' 32 sous, é qu'tout ché fil'es iss' nettoettent in admiration ed'van quand j'ell' mettoé pour aller àl' mess', comme j'awoué apprins in molé à lirr' d'in ché courts jours, ej' m'a donc amuzai à lirr' tous ché zinseines ed' ché boutiques : pour comincher, ech' voé comme cho : « Monsieur DELEAU, marchand de vins » in v'le toudi in agouzi, eq'jeum' di, qui a ed' quoi approvisionné s'in métier.

« Monsieur TARTAPRONNE, patissier », « Monsieur PURGATIF, apothicaire » é, comm' j'avancoé toudis, j'arriff' ed'van ainn' grand' porte in kène, é' j'voé : « Monsieur ~~BOUTILLERESQUS~~ ~~Avoué~~ » comme i gn'avoé j'vois au d'avoué din nous villeshe, j'ann' m'elle demandoé in mi même quand ? ech'voé ed'l'porte : in homme aveuque einne grande robbe a ramaches qui pindoé ed'zu ch'qu'à ses talons : « Ech' l'homme ! qu'ech' di, ca qu'o vindez d'in vous boutiques ? » Des tête d'ânes » qu'in di din air malin ! : « Ah ché à croire qu'o n'avez, min braff homme, in fameu débit. car j'enne n'in voé pu qu'enne dans vous boutique ».

Quecqu' temp après, j'étoé d'venu marquant ed'vaques, j'étoé all' fett d'Hédin, min marké fait, ej' min vo pour diner amm' n'auberge habituelle, é v'lo qu'onm' dit : i gn'o pu ed' plache à tapp' d'hôte, mais, i gn'o parlo troé z'officier, on vo leu d'mander si i veutte qu'o m'injoette aveuque eux ?

El' servante à s'in vo, queuqu' minutes après all' arvien : « i veutt bien » qu'all' di. J'avanche d'in chelle pièce, ech'prin enn' kayelle é j'm'assoué all' tappe et ech' cri a min ti-in « téh ichi topette » et j'attind qui vienn' quecqu' cosse à fruquer. Tou d'in co, iarrif' par enn' trapett' fait d'inch'mur : in plo avecque troé pétitt' bettes : ch'étoé des coall' mes gins iss'sertt, in' reste rin dans chés plo ; alors j'les ravisse maquer.

Quand i ont eu fini, y'arriffé par ell même trapett', in plo aveuque inn' gross' bête, ch'étoé, in ojon, ... a penne avoé-t-on mi ech' plo ed'sul' tappe, ecqu' j'infonsse emme' fourchette d'in. ch'l'animal in diant : « chacun s'bête ichi » ; mais i gn'avoué lo in viu aveuque eunn' barbe grassonnante qui dit « Paysan, nous ne permettrons pas que tu agisses ainsi : la première opération que tu feras subir a cet animal nous la ferons subir à ton chien : si tu lui coupes une patte, nous couperons une pattes de devant à ton chien, si tu lui coupes une aile, nous couperons une pattes de derrière à ton chien ».

Ah, oé qu'ej'dis, o f'rez passer a min tien cho qu'ech fait ach' l'animal ?

« Mais oui, paysan pourquoi pas ? » : alors j'infonss' mon doé à l'opposeï d'el bec d'ech' l'ojon, j'ell' mets d'im' bouq in l'chuchant : « ed, né, qu'ej' dis : faigé in molé cho a min tien ! »

Ed'vant d'massir, j'va cor vous in raconter inn' petitt' : J'étoé einn' foé appleï ach' tribunal es' St pol pour eune malheureuse affaire.

Ch'étoé eunn' homme qui avoé battu s'femme. Arriveï ach' tribunal, ech' président i dit comme cho : « Témoin, approchez vous, jurez de dire la vérité, toutes la vérité, rien que la vérité »- « J'el jure, qu'jdi', mon président »- « Qu'avez-vous vu, qu'avez-vous entendu ? » : - J'é rin vu, j'é fé qu'intindu :Pif Paf, ech' pourcho lo , in'tuera » « vous n'avez rien vu, vous n'avez entendu que cela ? » eh bien aller vous asseoir. »

Mais comme j'étoé cor in molé poli, v'lo qu'jé voulu faire einn' pétitt' révérence ach' président et v'lo qu'in m'abachant, aun' malheureux captif qui n'demandoé qu'à sin aller, i part.

Ech' président, furieux, s'ellieff' et dit « huissier, mettez moi ce malhonnête à la porte. »- « Pardon, qu'ej' dit, min président, on n' lavé pont vu, o n'lavé qu'intindu ? et bin, : rassayez vous. »

V'lo, mes braff' gins, comme min on s'tire des foé bien d'affaire aveuque nous gro bon sin !

prax @ Parguepicarde . FR